

novine Federacije BiH", broj 10/12), a u vezi sa Odlukom Ustavnog suda Bosne i Hercegovine (AP 3683/20 od dana 22.12.2020. godine) ("Službene novine Federacije BiH", broj 16/21) na prijedlog Kriznog štaba Ministarstva zdravstva Kantona Sarajevo, Vlada Kantona Sarajevo, na 42. sjednici održanoj 23.09.2021. godine, donijela je

ZAKLJUČAK

1. Produžava se važenje Naredbi i Preporuka Kriznog štaba Ministarstva zdravstva Kantona Sarajevo usvojenih Zaključkom Vlade Kantona Sarajevo, broj 02-04-31997-5/21 od 26.08.2021. godine i broj 02-04-33737-3/21 od 09.09.2021. godine.
2. Vlada Kantona Sarajevo, će pratiti epidemiološku situaciju u Kantonu Sarajevo, te će nakon 14 dana

razmatrati uvođenje novih mjera, koje već postoje u većini zapadno-evropskih zemalja i zemalja u okruženju, u skladu sa utvrđenim stanjem i preporukama Kriznog štaba Ministarstva zdravstva Kantona Sarajevo po potrebi i revidirati donesene mjere.

3. Ovaj zaključak stupa na snagu danom donošenja i primjenjivat će se od 23.09.2021. godine do 06.10.2021. godine, i objavit će se u "Službenim novinama Kantona Sarajevo".

Broj 02-04-34964-23/21
23. septembra 2021. godine
Sarajevo

Premijer
Edin Forto, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 17. stav (3) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", broj 5/21), Vlada Kantona Sarajevo, na 108. vanrednoj sjednici održanoj 22.09.2021. godine, donijela je

ZAKLJUČAK

1. Odobrava se preraspodjela sredstava u Budžetu Kantona Sarajevo za 2021. godinu u iznosu od 300.000,00 KM, i to:

Raz.	Glava	Potr. jed	Org. kod.	Ekon. kod	Subanalitika	Funkcija	OPIS	Iznos
19	01	0001	19010001				Sa razdjela: Ministarstva finansija Kantona Sarajevo	
							Sa ekonomskog koda (Izvor 10)	
19	01	0001	19010001	6138		011	Izdaci osiguranja, bankarskih usluga i usluga platnog prometa	300.000
31	01	0001	31010001				Na razdjel: Direkcija za robne rezerve Kantona Sarajevo	
							Na ekonomski kod (Izvor 10)	
31	01	0001	31010001	8214	ZAX003	109	Nabavka robne rezerve	300.000

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-35021-1/21
22. septembra 2021. godine
Sarajevo

Premijer
Edin Forto, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 110. vanrednoj sjednici održanoj 24.09.2021. godine, donijela je

ZAKLJUČAK

1. Nalaže se Zavodu zdravstvenog osiguranja Kantona Sarajevo da po Zaključku Vlade Kantona Sarajevo broj 02-04-1160-1/21 od 14.01.2021. godine, sa pozicije sredstava namijenjenih za borbu protiv COVID-19, pokrene proceduru za skladištenje vakcina protiv COVID-19, kapaciteta skladištenja do 120 000 bočica vakcina na mjesečnom nivou i njihovog transporta u Kantonu Sarajevo i provođenje medijske kampanje za imunizaciju stanovništva Kantona Sarajevo protiv COVID-19, posredstvom Razvojnog programa Ujedinjenih nacija - UNDP.
2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-35321-1/21
24. septembra 2021. godine
Sarajevo

Premijer
Edin Forto, s. r.

Premijer Vlade Kantona Sarajevo

Na osnovu člana 9. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 -

Novi prečišćeni tekst i 37/14 - Ispravka), premijer Kantona Sarajevo donosi

ODLUKU O ODREĐIVANJU PRIVREMENOG VRŠIOCA FUNKCIJE MINISTRA ZA NAUKU, VISOKO OBRAZOVANJE I MLADE KANTONA SARAJEVO

I

Određuje se članica Vlade Kantona Sarajevo Darja Softić Kadenić da vrši funkciju ministrice za nauku, visoko obrazovanje i mlade Kantona Sarajevo.

II

Ova odluka stupa na snagu danom donošenja i objavljuje se u "Službenim novinama Kantona Sarajevo".

Broj 02/01-04-30097-2/21
23. septembra 2021. godine
Sarajevo

Premijer
Edin Forto, s. r.

Ministarstvo zdravstva Kantona Sarajevo

Na osnovu člana 70. st. 1. i 2. Zakona o organizaciji organa uprave u Federaciji BiH ("Službene novine Federacije BiH", broj 35/05) i člana 6. stav 1. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), Ministarstvo zdravstva Kantona Sarajevo donosi

**ODLUKU
O SLOBODNIM LOKACIJAMA ZA OSNIVANJE
APOTEKA ZA 2021. GODINU NA PODRUČJU
KANTONA SARAJEVO****I**

Ovom Odlukom definišu se slobodne lokacije na području Kantona Sarajevo za 2021. godinu za osnivanje apoteka, u skladu sa demografskim i geografskim kriterijima utvrđenim Pravilnikom o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14) (u daljem tekstu: Pravilnik).

II

U skladu sa utvrđenim kriterijima propisanim članom 3. i 4. Pravilnika, te dostavljenim podacima i zahtjevima Mjesnih zajednica i Općina sa područja Kantona Sarajevo, Ministarstvo zdravstva Kantona Sarajevo utvrđuje slobodne lokacije za osnivanje apoteka za 2021. godinu i to:

1. Općina Vogošća - za područje Mjesne zajednice Blagovac (2.900 stanovnika) - 1 depo apoteka,
2. Općina Novi Grad - za područje Mjesne zajednice Dolac (9.713 stanovnika) - 1 apoteka,
3. Općina Ilijaš - za područje Mjesne zajednice Mrakovo (3500 stanovnika) - 1 depo apoteka i
4. Općina Stari grad za područje Mjesne zajednice Mahmutovac (3000 stanovnika) - 1 depo apoteka.

III

Međusobna udaljenost između dvije apoteke ne može biti manja od 400 metara najbliže cestovne povezanosti a koja se utvrđuje geodetskim izmjerom ovlaštene osobe za obavljanje geodetskih poslova shodno važećim propisima iz ove oblasti.

IV

Na podnijeti prethodni zahtjev osnivača buduće apoteke ili budućeg nositelja odobrenja za privatnu praksu, Ministarstvo zdravstva Kantona Sarajevo će izdati pisanu saglasnost da se na toj lokaciji može osnovati apoteka.

Zahtjev osnivača buduće apoteke ili budućeg nositelja odobrenja za privatnu praksu se dostavlja u roku od 15 dana od dana stupanja na snagu ove Odluke.

V

Osnivač buduće apoteke ili budućer nositelj odobrenja za privatnu praksu kojem je izdata saglasnost na lokaciju dužan je podnijeti zahtjev za osnivanje apoteke s potpunom dokumentacijom, shodno Pravilniku, najkasnije tri mjeseca od dobijanja saglasnosti.

Ukoliko u roku utvrđenom u prethodnom stavu budućer osnivač ili budućer nositelj odobrenja ne podnese Ministarstvu zdravstva zahtjev s potpunom dokumentacijom za osnivanje apoteke u skladu sa Pravilnikom, ista će se poništiti i izdati drugom podnosiocu koji ispunjava kriterije utvrđene ovom Odlukom.

Budućem nositelju odobrenja za privatnu praksu, odnosno budućem osnivaču apoteke na lokacije utvrđene u tački II Odluke o slobodnim lokacijama se može izdati samo jedna prethodna saglasnost.

VI

U slučaju nerentabilnog poslovanja apoteke, Ministarstvo zdravstva Kantona Sarajevo neće izdavati zamjenske lokacije, niti odobrenja za preseljenje apoteke, niti će snositi bilo kakvu odgovornost za izdatu prethodnu saglasnost za lokacije utvrđene u tački II ove Odluke, s obzirom da su iste utvrđene na osnovu zahtjeva mjesnih zajednica, a odobrene po uloženom zahtjevu.

VII

Ova odluka stupa na snagu 8 (osam) dana od dana objave u "Službenim novinama Kantona Sarajevo" i objavit će se na web stranici Ministarstva zdravstva Kantona Sarajevo.

Objašnjenje

U skladu sa članom 6. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), kantonalno ministarstvo zdravstva, određuje slobodne lokacije na kojima će se osnivati apoteke.

Pored demografskih i geografskih kriterija utvrđenih u članu 3. i 4. pomenutog Pravilnika, Ministarstvo zdravstva je cijeniolo potrebe lokalnih zajednica za apotekarskom službom sa aspekta potreba stanovništva uzimajući u obzir ukupan broj stanovnika tog lokaliteta i postojeći broj apoteka, te saobraćajnu povezanost apoteke i dostupnost stanovništvu.

Prilikom dodjele prethodne saglasnosti budućim nositeljima odobrenja za privatnu praksu, odnosno budućim osnivačima apoteka. Ministarstvo zdravstva će cijiniti zapošljavanje lica koja se vode na evidenciji JU Služba za zapošljavanje Kantona Sarajevo, položaj apoteke, odnosno udaljenost apoteke u odnosu na ambulantu, dostupnost stanovništvu buduće apoteke sa aspekta radnog vremena, garanciju o pružanju usluga najmanje 5 godina bez prava prenosa osnivačko vlasničkih prava na druga pravna i fizička lica, udaljenost od najbliže postojeće apoteke a koja ne može biti manja od 400 m cestovne udaljenosti.

Ukoliko osnivač budućeg ogranka apoteke već posjeduje PZU na području Federacije BiH/BiH i/ili je pružao farmaceutsku uslugu na području Bosne i Hercegovine/Federacije BiH, Ministarstvo zdravstva će cijiniti dosadašnje iskustvo, odnosno zadovoljstvo korisnika uslugama, najmanje za dvije posljednje godine rada apoteke, posebno od dobavljača i Zavoda zdravstvenog osiguranja Kantona Sarajevo.

Ukoliko na istoj lokaciji bude više zaprimljenih zahtjeva budućih nositelja odobrenja za privatnu praksu, odnosno budućih osnivača apoteka koji ispunjavaju sve kriterije, ministarstvo će odlučivati prema redoslijedu kojim su podneseni prethodni zahtjevi.

Imajući u vidu naprijed navedeno odlučeno je kao u dispozitivu ove Odluke.

Broj 10-05-34862/21
22. septembra 2021. godine
Sarajevo

Ministar
Prof. dr. **Haris Vranić**, s. r.

**OPĆINA CENTAR
Općinski načelnik**

Na osnovu člana 69. Statuta Općine Centar Sarajevo, prečišćeni tekst ("Službene novine Kantona Sarajevo", broj 23/04) i člana 23. i 25. Odluke o izvršavanju Budžeta Općine Centar Sarajevo za 2021. godinu ("Službene novine Kantona Sarajevo", br. 10/21, 24/21), a u skladu sa Odlukom o utvrđivanju kriterija za korištenje sredstava tekuće rezerve (broj 10-49-2195/15 od 15.11.20215. godine), općinski načelnik donosi

ZAKLJUČAK

Raspoređuju se sredstva tekuće rezerve Budžeta Općine Centar Sarajevo za 2021. godinu u iznosu 3.500,00 KM na ekonomski kod 614311, funkciju 0960, fond 012, projekt TP9-1